



Nuuk ulloq 23. oktobari - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

- 1. Meeqqanut suli atualinngitsunut Inatsisartut inatsisissaanni § 4 naapertorlugu Naalakkersuisut kommunit nakkutigisussaavaat. Naalakkersuisut qanoq iliorlutik tigussaasumik qularnaarniarpaat ilumut kommuninit inatsimmi § 20 imm. 1-3-mi taaneqartut atorfiit inuttalersimaneeraat?**
- 2. Meeqqurevinni atorfinni perorsaasunit inuttaqartinneqartussani qassit perorsaasutut ilinniarsimasunit inuttaqartinneqarpat?**
- 3. Atorfiit perorsaanermit ilinniarsimasunit inuttaqartinneqartussat qassit ilinniarsimasunik inuttaqartinneqarpat?**
- 4. Naalakkersuisut qaffasissumik ilinniakkanut akisussaanerat kiisalu meeqqanut suli atualinngitsunut pingaarnermik akisussaanerat eqqarsaatigalugu - taava Naalakkersuisut qanoq iliuseqareernikuuppat qulakkeerniarlugu atorfiit ilinniarsimasunik inuttaqartinneqarnissaasa malinneqarnissaat - aamma Naalakkersuisut maannakkut siunissamilu qanoq iliorliarpat tamanna qularnaarumallugu?**
- 5. Naalakkersuisut suna illersorneqarsinnaasutut isigaat aamma malittarisassiuunneqarnikuua sulisut qassit minnerpaamik meeraaqqurevinniittassasut/ meeqqurevimmiittassasut ulluni makkunani:**
  - a. Ullormi aalajangersimasumi ataatsimi**
  - b. Piffissami sivikinnerusumi**
  - c. Piffissami sivilunerusumi**
- 6. Naalakkersuisut tigussaasumik suut aallartinnikuuaat Meeqqanut suli atualinngitsunut inatsimmi § 4, imm. 2, nr. 1,3,4,5 aamma 8-mut pisussaaffeqarnertik naapertorlugu?**  
(Naalakkersuisut qinnuigineqarput akisussaaffiit ataasiakkaat taaneqartut tamaasa akissuteqarfigeqqullugit)

**Tunngavilersuut:**

Perorsaasunik amingaateqarnermut atatillug ajornartorsiutit taamatullu meerartatta perorsarneqarnissaat pillugu ilinniarsimasunik ilinniarsimanngitsunillu atorfiit inuttassaqartinniarnerisa ajornartorsiutaanerit eqqarsaatigalugu qulaani apeqqutigut saqqummiuppagut.



SULEQATIGIISITSISUT  
SAMARBEJDSPARTIET

Amerlaqisunit oqaatigineqartarpoq, meerartatta paarineqarnissaannut atatillugu sulisussaaleqinerujussuaq piusoq, tamannalu toqqissisimananngilluinnartoq. Nunatsinni ngajoqqaarpasuit meeqqanut suli atualinngitsunut perorsaaniikkut inerikkiartuutaasunik ulluinnarni neqerooruteqartoqarnissaanik kissaateqartut aamma piumasaqarsinnaatitaasut piumasaannut inorsarlunnarpugut - taamaattumik meerartatta toqqissisimanartumik paarineqarnissaalluunniit kisiat qularnaarsinnaasuugutsigu, siuariaallassimassagaluarpugut. Alianarpoq immikkut meerartaqarata sumiginnakkannik, innarluutilinnik aamma meeqqanik naliginnaasunilluunniit immikkut pisariaqartitsisunik matumangga eqqornerlunneqarsimasunik.

Meerartagut paarisussaavagut aamma pisariaqartippaat inersimasunit najorneqarnissartik meeqqerivimmiitillutik, angajoqqaajusut sulinerisa, ilinniarnersa il.il. nalaani. Qineqqusaarnermi partiit tamarluinnarmik oqaatigaat immikkoortoq pingaarteqalugu. Taamaattumik apeqqutigisagut apeqqutigaagut. Meeqqeriviit ulluinnarni ingerlanneqarnerat kommunit akisussaaffigaat, soorlu aamma Naalakkersuisut arlaleriarlutik oqaatigereeraat. Kisianni Naalakkersuisut akisussaaffik pingaarneq tigummiarpaat - meeqqat atuarfianuinnaanngitsoq aammali meerartatta iluamik inuunissaannut ineriartornissaannullu pitsaanerpaanik periarfissaqartinneqarnissaat Naalakkersuisut akisussaaffigaat. Taamaattumik Naalakkersuisut pinngitsooratik nuna tamakkerlugu ajornartorsiut pisara isummerfigisariaqarpaat, ullut tamaasa alliarortuarmat ulluinnarni akisussaaffik kommuuniniikkaluarpalluunniit.

Apeqqutikka akeqquneqarput piffissarititaasut ullut qulit iluanni.

Tillie Martinussen  
Samarbejdspartiet - Suleqatigiissitsisut